

ՄԵՐ ՀԱՅՐԵՐՈՒՆ ԽՐԱՏՆԵՐԸ

**ԱՂՕԹԸ Ս. ՀԱՂՈՐԴՈՒԹԻՒՆ
ՍՏԱՆԱԼԷ ԵՏԸ**


Դուն, որ մեր տկար բնութեան փորձառութիւնը ունեցար, ո՛վ մեր Գահնայապետը՝ Յիսուս, քեզի կը նայինք: Դուն, որ մեզի համար մեղքի պատարագ եղար, որպէսզի մենք քեզի համար արդար ըլլանք: Դուն, որ մեզի համար երկրաւոր եղար, որպէսզի մենք քեզի համար երկնաւոր ըլլանք: Դուն, որ մեզի համար Հաց եղար, որպէսզի մենք քեզ քաշակելով սրբուինք: Տո՛ւր վիշտերով լեցուն քու Մարմինդ, որպէսզի բոլոր սիրտերը քեզ քաշակեն եւ սրբուին: Մատուակէ՛ վտակի պէս կաթկթող քու անմեղ Արիւնդ, որպէսզի մարդիկ անմեղութեամբ յագեանան: Երկարէ՛ փրկական խաչդ՝ այս աշխարհի ծովուն մէջ լողացողներուս, մեզ վեր՝ դէպի քեզ բարձրացնելու համար:

Շնորհիքի՛ կարօտ ենք, սփռէ՛, յոգնած ենք մեղանշելէ, քաւէ՛. խաւարի մէջ կը խարխափինք, քաւագայթէ՛: Մեր հաւատքէն տապալած ենք, հաստատէ՛: Դո՛ւն եւ յոյսը, դո՛ւն եւ յոյսը, դո՛ւն եւ կեանքը, դո՛ւն եւ քաւութիւնը, դուն ինքդ եւ անմահութիւնը: Քեզի՛ կը սպասենք, քու շնորհիքիդ կոթնածններս: Քեզմէ՛ փրկութիւն ստանալու կարօտ ենք, քու Մարմինիդ միացածներս: Քե՛զ իբրեւ քաւիչ Քահանայ ունինք, մենք քու Արիւնովդ գնուած հօտդ: Նայէ՛ բոլորիս, սփռի՛ մեր տարակուսանքները քու փրկագործութեամբդ, հանդարտեցո՛ւր մեր խոռովութիւնները քու խաղաղութեամբդ, հանգրստացո՛ւր մեր յոգնած հոգիները քու օթեւաններովդ մէջ, ուր դուն գացիր, ո՛վ Տէր, եւ նոյնը մեզի խոստացար: Եւ արժանացո՛ւր մեզ՝ քեզի պատկանողներըս, որ փառաւորենք քեզ, Հօրը եւ Սուրբ Հոգիին հետ միասին՝ յաւիտեանս: Ամէն:

Ս. ՆԵՐՍԵՍ ԼՍ.ՄԻՐՈՆԱՅԻ

ԾԻՍԱԿԱՆ ԳԻՏԵԼԻՔՆԵՐ

**ՀԱՅՑ. ԱՌԱՔԵԼԱԿԱՆ
ԵԿԵՂԵՑԻՈՅ Ս. ՊԱՏԱՐԱԳ**



**ՊԼՏԱՐԱԳԻ ԽՈՐՀՈՐԴԻՆ ՀԱՍՏԱՏՈՒՄԸ
2.- Պատրաստութիւն ընծաներուն
Գ.- ԲՈՒՆ Ս. ՊԱՏԱՐԱԳ կամ
ՀԱՌԱՏԱՅԵԱՆՆԵՐՈՒ Ս. ՊԱՏԱՐԱԳ**

Սրբազնագոյն պահն է, ողջ եկեղեցին եղբայրացած սիրոյ մթնոլորտին մէջ, ընկալելէ ետք քաղցրութիւնը հրեշտակներու երկնային մեղեդիին, Աստուծոյ հայրական լոյս հովանաւորութեան ներքեւ երկիւղածութեամբ եւ համակ աղօթք դարձած՝ վերացումով կ'ողջունէ Ս. Հոգւոյ ներգործումը, իսկ պատարագի քահանան երեք անգամ կ'օրհնէ մաղզմային վրայ գտնուող նշխարը, կ'աղօթէ եւ աղօթքը որպէս աղերսանք ներկայացնելով երկնաւոր Հօր, կ'ըսէ. «Սուրբ Հոգիին միջոցաւ այս հացը օրհնէ՛ եւ ճշմարտապէս մեր Տիրոջ եւ Փրկիչին՝ Յիսուս Քրիստոսի Մարմինը դարձուր զայն»:

Երեք անգամ կ'օրհնէ Սկիհին մէջ գտնուող գինին եւ կ'ըսէ. «Եւ այս Բաժակը օրհնէ՛ եւ ստուգապէս մեր Տիրոջ եւ Փրկիչին՝ Յիսուս Քրիստոսի Արիւնը դարձուր զայն»:

Եւ ապա մաղզման դնելով Սկիհին վրայ, նշխարն ու գինին միասնաբար երեք անգամ կ'օրհնէ եւ կը խնդրէ երկնաւոր Հօրմէն... Ծարունակելի

**ՃՐԱԳ ՇԱՐԲԱԹԱԹԵՐԹ - ԱԶԳԱՅԻՆ ԱՌԱՋՆՈՐԴԱՐԱՆ ԼԻԲԱՆԱՆԻ -
Bourj-Hammoud, P.O.Box 80810 -Tel/Fax:01-258300- facebook-ի էջ Jerak ճրագ քերթ
ՃՐԱԳ-ը կը պատրաստէ՛ Սարգիս Ա. Քեկյ. Սարգիսեան**



ՔՈՒ ԽՕՍԲԵՐ ԽՄ ՈՏԲԵՐՈՒՄ ԵՐԱԳ Է ՈՒ ԽՄ ՇԱԽԴՆԵՐՈՒՄ ԼՈՅՍ (ՍՂ.119.105)

ՃԷ. ՏԱՐԻ ԿԻՐԱԿԻ, 15 ՍԵՊՏԵՄԲԵՐ 2024 ԹԻՒ 37

ԿԻՐԱԿԻ ՕՐԵՐՈՒ ԱՍՏՈՒԱԵԱՇՆՉԱԿԱՆ ԸՆԹԵՐՑՈՒՄՆԵՐ
Ես. 49. 13-23: Գղ. 6.14-18: Յհ. 3.13-21

**ՏՕՆ ՎԵՐԱՑՄԱՆ ՍՐԲՈՅ ԽԱԶԻՆ
ՅԻՍՈՒՄ ՔՐԻՍՏՈՍԻ ԱՐԵՏԱՐԱՆԸ
ԸՍՏ ՅՈՎՀԱՆՆԵՍԻ
3.13-21**

Ոչ ոք երկինք ելաւ բացի մարդու Որդիէն, որ իջաւ երկինքէն, ուր կը գտնուէր: Եւ ինչպէս, որ Մովսէս պղնձեայ օձը բարձրացուց անապատին մէջ, նոյնպէս ալ պէտք է Մարդու Որդին բարձրանայ, որպէսզի անոր հաւատացողը յաւիտեանական կեանք ստանայ: Որովհետեւ Աստուած այնքան սիրեց աշխարհը, որ մինչեւ իսկ իր միածին Որդին տուաւ, որպէսզի անոր հաւատացողը չմեռնի, այլ յաւիտեանական կեանք ստանայ: Որովհետեւ Աստուած իր Որդին աշխարհ զրկեց, ո՛չ թէ որպէսզի Որդին աշխարհը դատապարտէ, այլ՝ որպէսզի աշխարհը փրկէ: Ով որ կը հաւատայ անոր՝ չի դատապարտուիր, իսկ ով որ չի հաւատար անոր, արդէն իսկ դատապարտուած է, Աստուծոյ միածին Որդիին չհաւատալուն համար:

Եւ դատապարտութիւնը այս է: Հակառակ անոր, որ լոյսը աշխարհ եկաւ, մարդիկ խաւարը լոյսէն անլի սիրեցին, որովհետեւ չարութիւն կը գործէին: Ով, որ չար գործ կը կատարէ, կ'ատէ լոյսը եւ լոյսին չի գար, որպէսզի իր գործերը չյայտնուին: Սակայն ով, որ կը կատարէ ինչ որ ճշմարիտ է, լոյսին կու գայ, որպէսզի յայտնի ըլլայ, թէ իր գործերը Աստուծոյ կամֆին համաձայն գործուած են:

Կրնա՞ք մեայի բացատրել հայկական խաչի չեփն մասին

Այո: Հայկական Խաչը միշտ դատարկ կը ներկայացուի եւ անոր վրայ չենք հանդիպիր խաչուած Քրիստոսին: Ինչո՞ւ: Որովհետեւ այդպիսով մարդիկ ուզած են խորհրդանշել Քրիստոսի յաղթանակը մահուան առջեւ:

Հայկական խաչերը, երբեմն կը ներկայացուին զարդարուած, խաղաղ, տերեւներով եւ ցորենի հասկերով: Ասոնք կը խորհրդանշեն կեանքը, որ ծնունդ կ'առնէ խաչէն, որ այլապէս մահուան ծառայող գործիք մըն էր:

ԽԱՉՎԵՐԱՑԻ ՏՕՆ



Ամեն տարի, Սեպտեմբեր 11-ի եւ 17-ի միջեւ գուգադիպող Կիրակի օրը, Հայաստանեայց եկեղեցին կը յիշատակէ իր հինգ տաղաւարներէն մէկը՝ Խաչվերացը: Ինչպէս անունը կը պարզէ Խաչվերացը հայ ժողովուրդին սիրելի խորհրդանիշ դարձած խաչին նուիրուած տօներէն մէկն է:

Խաչի նուիրուած Խաչվերացի տօնը Խաչը փառաբանելու, Խաչը հպարտութեամբ վեր բարձրացնելու տօն մըն է: Այս տօնը հիմնուած է պատմական յստակ եղելութեան մը վրայ, որ տեղի ունեցած է Քրիստոնէութեան սկիզբի տարիներուն: Պատուական դրուագը հետեւեալն է. Պարսիկները Երուսաղէմը ակրելէ ետք կը փախցնեն Քրիստոսի խաչը: Հերակլ կայսրը իր կարգին կ'արշաւէ Պարսկաստան եւ կը վերատիրանայ սուրբ խաչին: Զայն վերցնելով կը վերադառնայ Կ. Պոլիս եւ ժողովուրդին առջեւ հպարտութեամբ բարձրացնելով՝ մուտք կը գործէ քաղաք:

Խաչը վեր առնելու այս առաջին եղելութիւնը կը վերագրուի Երուսաղէմի առաջին եպիսկոպոս Յակոբ Ա. ռաֆեալին, որ խաչը վեր առնելով՝ օրհնեց ժողովուրդը անոր ըսելով. «Խաչի քո, Քրիստոս, երկիրպագանեմք», այսինքն՝ «Քրիստոս, Խաչիդ առջեւ կը ծնրադրենք ու կ'երկրպագենք»:

Խաչվերացի օրը Հայաստանեայց եկեղեցիէն ներս կը կատարուի թափօր եւ Անդաստան, որուն ընթացքին օրհնութիւն եւ փառք կը տրուի Աստուծոյ իր տուած բարիքներուն եւ առատ-ձեռնութեան համար եւ յատուկ աղօթքներով կ'օրհնուին աշխարհի չորս ծագերը:

Ա Ղ Օ Թ Զ

ԽԱՉ ԸՈՒ ԵՂԻՑԻ ՄԵՉ ԱՊԱԽԵՆ (Խաչին ապաւենը խնդրելու մաղթանք)

ԳՐԱԲԱՐ

Խաչ քո եղիցի մեզ ապաւեն, Տէր Յիսուս, յորժամ երեւիս փառօք Հօր ընդ ամպս լուսաւորս: Յայնժամ մեք մի՛ ամաչեցուք, յուսացեալս ի քեզ. այլ գօրութեամբ քով մեծաւ՝ բեհտրեցուք ըդ աջմէ քումմէ, որպէս գորդիս լուսոյ եւ որդիս տուրնջեանս:

ԱՇԽԱՐԱԲԱՐ

Քու խաչդ մեզի ապաւեն ըլլայ, Տէր Յիսուս, երբ երեւիս հօրը փառքով՝ լուսաւոր ամպերու մէջ: Այն ատեն չամչնանք մեմք՝ քեզի յուսացողներս, այլ՝ քու մեծ գօրութեամբդ բերկրիմք քու աջ կողմդ, իբրեւ լոյսի որդիներ եւ փրկուածներ:

ԱՍՏՈՒԱԾ Է ՀԻՒՆՍԻՆԵՐԸ ԲԺՇԿՈՂԸ

Երկու հաստատումներ եւս:

1) Երբ Յիսուս երկրորդ անգամ ըլլալով դպաւ կոյրին աչքերուն, ան սկսաւ ամէն ինչ յստակ տեսնել: Նկատելի է սակայն, որ առաջին անգամ Յիսուս թուքով թրջեց անոր աչքերը եւ ապա ձեռքով դպաւ աչքերուն, իսկ երկրորդ անգամ, թուք չգործածեց, այլ՝ պարզապէս ձեռքերը դրաւ աչքերուն վրայ, ստրվեցնելու համար իրեն եւ մեզի, թէ թուքը չէր, որ զինք բուժեց, այլ իր ձեռքին բժշկարար հպումը:

2) Երբ Յիսուս տեսաւ, որ կոյրին աչքերը առաջին հպումով չբացուեցան, երկրորդ անգամ դարձեալ դպաւ աչքերուն, որպէսզի յիշեցնէ մեզի, թէ երբ ինք գործ մը սկսի, զայն իր աւարտին կը հասցնէ յաջողութեամբ, եւ կը ստրվեցնէ մեզի նոյնը ընել:

ՄԵՐ ՍՈՐՎԵԼ ԻՔ

Հ Ո Գ Ե Ի Ո Ր Ղ Ա Ս Ը

1) Ինչպէս Յիսուս թուք գործածեց բայց բուժումը իրմէ էր, այնպէս ալ բժիշկները դեղ կը գործածեն, բայց բուժումը Աստուած է, որ կու տայ:

2) Երբ գործի մը ձեռնարկենք եւ շուտով արդիւնք չքաղենք կամ արգելքներու հանդիպինք՝ յուսահատինք, այլ՝ յարատեւենք գործի մէջ:

ԵՐԷ Կ՛ՈՒՉԵՍ ԱՂՕԹԷԼ, ԿԱՐԱՔ՝ ՍԱՂՄՈՍ 60

Ո՛վ Աստուած, մերժեցիր մեզ, բարկացար եւ տեղահան ըրիր մեզ. ալ տո՛ւն դարձուր մեզ: Դուն սարսեցիր մեր երկիրը, կտոր-կտոր ըրիր զայն. արդ, դարմանէ՛ անոր վերքերը, որ չըլլա՛յ թէ յորժանի: Քու ժողովուրդիդ նեղութիւնները ցոյց տուիր, դառնութեան զինի իմացուցիր մեզի: Քեզմէ սկնածողներուն նշան մը տուիր, որպէսզի անով ազատին մահուան նիւթերէն: Նեղութեան դո՛ւրս բեր մեզ՝ սիրելիներդ, լսէ՛ մեր աղօթքները եւ գօրութեամբդ փրկէ՛ մեզ:

Աստուած այսպէս խօսեցաւ իր սրբարանին. «Ի՛մս է յաղթանակի ցնծութիւնը: Ես բաժիններու պիտի վերածեմ եւ իբրեւ ժառանգութիւն՝ ժողովուրդիս պիտի տամ Շեխեմ քաղաքը եւ Սոփոթի հովիտը: Ի՛մս է Գիլեադը, ի՛մս է Մանասէն, Եփրեմը իմ սաղաւարտս է, Յուդան՝ թագաւորական մականս: Մոաբը այն կոնքն է, որ կը գործածեմ լուացուելու համար, Եդոմը այն երկիրը՝ որուն վրայ կը տարածեմ իշխանութիւնս, իսկ փղշտացիներու երկրին ենթարկումին համար ցնծութեամբ կ'աղաղակեմ»:

Ո՛վ գիս պիտի տանի պարսպաւոր քաղաքը, ո՞վ գիս պիտի առաջնորդէ դէպի Եդոմ, եթէ ոչ՝ դո՛ւն, ո՞վ Աստուած, որ այժմ մերժեց բա մեզ եւ մեր բանակներուն չես ընկերանար, ո՞վ Աստուած: